

海

國

圖

志

海國圖志卷四十四

歐羅巴

大西洋

歐羅巴洲

候官林

邵陽魏源重輯

耶馬尼總記上

一作熱爾瑪尼、一作者爾麻尼、一作亞勒馬尼、一作亞墨尼、一作日耳曼、一作阿理曼

一作亞咩里隔

耶馬尼舊轄大小部落三十有奇爲歐羅巴洲領國于諸蠻中最強當意大里亞攻取佛蘭西大呂宋時耶馬尼遣其三臣將兵乘意大里亞之空虛往侵無所獲至

耶穌紀年五百之時，漢明帝永元二年所屬塞循之人取得英

吉利島創建部落，又所屬覽麻之人取得意大里亞部落，又所屬挽特爾斯之人取得大呂宋又所屬佛耶斯希魯里麥曼奄斯之人取得佛蘭西數部落。當日盛強震于海國，然所轄部落塞循最蠻，常行反側征討不息。其後國勢浸衰，佛蘭西、意大利、亞各部背叛而去，即本國舊部若唐希彌阿亦自稱曰王。麻洼里阿、塞循、佛蘭領麥哈那洼四部，自稱曰祿臘引，自稱曰巴臘達引，敏斯特里威司戈祿凡三部，自稱曰摩宿耶馬尼之國，遂

分爲九各自專制厥後九國統歸塞循管轄塞循不休
始爲佛朗戈尼阿所奪繼又爲麻洼里阿所奪至十三
百年間麻洼里阿不保又爲歐塞特里國所奪嗣以各
部羣起改遵波羅特士頓教奧地里加國之王用兵禁
止不聽故溫多里奮勇之人夷等_{謂日溫多里}在利塞之地交鋒三十載奧地里加國不克制服各部落遂得改教歐塞特
里僅有統轄耶馬尼之虛名至千八百年嘉慶間又爲五年普魯社所奪各部落不服普魯社統轄施仍自立首領
各長其地各子其民不相統屬共二十五部惟各部落

之首領於每年咸集歐塞特里國會議一次申明約束
并相殘害各部中遇有大事亦至奧地里加國會議故
猶稱奧大利亞爲上國原本

耶馬尼分國一

麻洼里阿木耶馬尼部落也值耶馬尼之衰遂與諸部
背叛疆分爲九自是以後强者王弱者臣始推塞循爲
盟主各部咸聽其號令繼屬佛朗戈尼阿旋歸麻洼里
阿至耶蘇紀年千有三百時元成宗大德四年又屬於奧地里
加國維時麻洼里阿僅存本有舊部而已近百餘年前

始奪得臘引之數小部並魯社之唵斯巴治彌魯刺
兩小部故至今尙稱麻洼里阿爲強國政事設立兩麻
占一爲總領大官大教師辦事之處一爲首領教師辦
事之處首領教師並管理文學館技藝館又每七千戶
立一頭目議事其王每屆三年聚集兩占麻之人及各
處頭目議事一次除防守及蘭威兵未載數目外額設
步兵三萬六千五百六十六名馬兵六千四百零八名
大礮手三千三百五十七名其兵自十九歲以至三十
歲者充伍

原本

貿易通志曰日爾曼國其國被列君分治民雅好文不
勤商務產銅鐵麻布五穀酒羊皮玻璃自鳴鐘北方港
口曰翰堡其進口出口之貨計價七千一百五十萬圓
道光十二年人口船千八百九十六隻其南沿江之城
曰比里敏進口船千百餘隻所載入者皆南洋印度之

物此條

補入

麻洼里阿東南俱界奧地里加國西疆域平蕪城邑華
界洼鼎麥北界希西加司麗幅員二萬九千四百六十四方里戶三百三十一萬
五千口領小部落七十三俗奉加特力教者三千一百

六十萬人波羅特士頓教者千四百四十萬人條俱尊奉出教產鹽鐵木玻璃酒紙鳥鎗黃銅時辰表紅銅器金線銀線

耶馬尼分國二

塞循亦耶馬尼舊部也其人強蠻樂鬪外奪英吉利內叛本國與其王家兵戈不息值本國衰弱偕諸部羣起背叛各擅號令嗣又恃其盛強并脅諸部後爲佛郎歌尼阿所奪遞傳至歐塞特里阿統轄時番眾競改教門歐塞特里阿王以兵禁止終不能制各部落既改教門

循日漸衰敗非特不能保護諸部卽後得波蘭所屬之數小部亦旋失去千八百一十三年嘉慶十一年尙設兵三萬七千近兵僅滿萬

塞循東北界普魯社南界奧地里加國西界哈爾領麥

平坦饒沃幅員七千四

百六十四方里戶百有十九萬二千六百四十六口領小部落十有六俗奉波羅特士頓教產銀銅鐵鉛紙製裘布呢布帽襪磁器

耶馬尼分國三今屬英吉利

哈那洼南隅多山國都在中央沙漠之地昔亦耶馬尼

之部落以塞循諸處背叛遂亦自爲一國百餘年前既屬英吉利管轄矣其國設立底表第官名百員管理各部落之事如遇改易規條增減稅餉齊集會議額設步兵八千八百二十七騎兵四千一百十三蘭威兵萬有八千

哈那洼

東界普魯社西界尼達蘭南界威塞華里阿北界海濱海膏腴幅員萬四

千八百六十七方里戶百三十萬五千三百五十口領

小部落四十有六俗奉波羅特士頓教產銅錢紅銅白

鉛鹽布穀木

耶馬尼分國四

洼鼎麥

東界麻洼里阿西界麻領南界與地里加國北界麻領

西

有大山條皆平

曠昔爲耶馬尼國中最美之部落後值耶馬尼衰弱遂

與塞循諸部各自擅命其王住劄什得額設立占麻二

一各官辦事之處一聚集議事之所每二年會議一次

額設步兵萬騎兵三千六百大礮手二千五百幅員七

千七百六十九方里戶百三十九萬五千四百六十二

口領小下落十有七俗奉波羅特士頓教產殺酒畜牲

不

見

耶馬尼分國五

麻領

東界洼鼎麥西界佛蘭西南界綏沙蘭北界麻洼里阿

彈丸小部落耳昔亦

耶馬尼所屬與塞循諸部同時分國額設兵丁萬蘭威

阿兵萬蘭斯端兵十萬地不甚平而極膏沃幅員五千

七百七十七方里戶百萬有三千六百三十口領小部

落十有七俗奉波羅特士頓教產銀銅鐵鹽穀麥布匹

麻牲畜自鳴鐘

耶馬尼分國六

三部同處

希西加司部東界麻洼里阿西界威塞華里阿南界布

西覽斯達與希西覽斯達爲兄弟之國俱彈丸小區耳濱臘引河北岸屬希西加司南岸屬希西覽斯達中隔一河聯以橋梁希西加司有新舊二部舊城蕃庶新城華麗昔屬耶瑪尼後以塞循諸部背叛遂亦自主設奈伊立多以自理事額萬有八十山林深密幅員四千二百七十三方里戶五十三萬八千七十三口領小部落十有四俗奉彼羅特士頓教產銀銅鐵穀苧麻

希西舍麥部在希西覽斯達域內幅員百六十方里戶萬八千八百七十口獨部落案凡所屬別無小部落者謂之獨部落者中國無屬

縣之直隸屬俗奉波羅特士頓教先爲耶瑪尼之部落後自設突支以治

希西覽斯達部東北俱界希西加斯爾西南俱界那肖在臘引河南岸部落蕃麗昔屬耶瑪尼後亦設額蘭突支以自主額兵九

千饒沃多山林幅員四千二百七十三方里戶六十一萬九千四百七十口領小部落五俗奉波羅特士頓教

產銅鐵苧麻鹽烟麥

耶馬尼分國七

色西威麻東界哈爾領麥西界普魯社南界魯那爾斯達北界普魯社土瘠而勤力

大西洋耶馬尼國

作幅員一千四百二十七方里戶二十萬一千口領小部落二俗奉波羅特士頓教先屬耶瑪尼後自爲國產革毛

耶馬尼分國八

二部同處

墨幾領麥塞追司東界斯特里司西界領墨南界普魯社北界海在耶馬尼北

隅中有伊彌河西岸塞追斯東岸斯特力司昔屬耶瑪尼自與各處背叛卽設額蘭突支以理政事疆域稍闊以塞追司爲首部落衢巷華麗湖景映帶其山多樹而耕種歉薄幅員四千六百五十五方里戶四十五萬八

千三百七八口領小部落十有五俗奉波羅特士頓
教又有脈幾領麥斯特里司

東南俱界普魯社西界塞追司北界海

在伊

彌河東岸先屬耶瑪尼後設額蘭突支以自治斯特里
司其首部也僅如大村市居民萬人聞先日有二女曾

嫁英吉利國王瀕湖多樹耕種薄收幅員七百六十方
里戶七萬一千七百六十九口領小部落四俗奉波羅

特士頓教

耶馬尼分國九

哈爾領麥

東西南俱界哈那佳北界海

在耶馬尼之北卑溼多蘆諸

汗國

大西洋

耶馬尼國

幅員二千二百五十二方里、戶二十一萬七千七百六十九口、先屬耶瑪尼、後亦設祿以自主、領小部落七、俗奉加特力教。

耶馬尼分國十

那肖

東南俱界希西覽斯達西北俱界臘引

地多大山、瀕緬河、幅員二千

三百八十八方里、戶三十萬二千七百六十九口、先屬耶瑪尼、後亦設祿以自主、領小部落四、俗奉加特力教。

產壳酒

耶馬尼分國十一

塞西俄達

東界魯那爾斯達西界希臘南界麻薩里內北界普魯斯

本耶瑪尼所奪普魯社之邊地也自與各部釐定分界設祿以自主幅員千一百六十三方里戶十八萬三千六百八十二口俗奉波羅特士頓教富而好文學設有書館藏書六萬卷

耶馬尼分國十二

色西各墨

東南俱界麻洼里阿西界
敘領王北界魯那爾斯達山野平曠有寶礦

幅員五百五十七方里戶八萬口十二口獨部落俗奉波羅特士頓教先屬耶馬尼後亦設祿以自主茲祿之

通鑑卷之三

子爲彌爾尼王之王

珊馬尼分國十三

塞西敏領王東界各麥西界希西加司彈丸小區分爲兩部落塞西加斯爾幅員四百三十方里戶二萬九千

七百口兩部共轄于一王以色列敏領王爲王居俗奉波羅特土頓教境內有沙爾孫凝大山產鹽煤鐵礦

珊馬尼分國十四

三部同處

葛哈爾特首領俱界與恭哈爾曼麥菴哈爾各凌同居一區在以色列敏河間于美循麻洼里河之間幅員

三百六十方里戶五萬二千九百四十口獨
波羅特士頓教舊屬耶瑪尼之部落近亦設祿以自主
國雖褊小曾產名人

菴哈爾曼麥四圍俱界都臨幾阿幅員三百三十九方里戶三萬
七千有四十六口獨部落俗奉波羅特士頓教舊屬耶
馬尼近亦設祿以自主

菴哈爾各凌南界特肖餘界都臨幾阿幅員三百一十八方里戶三
萬二千四百五十四口獨部落俗奉波羅特士頓教舊
屬耶馬尼近亦設祿以自主

清書卷一百一十五
耶馬尼分國十五

墨蘭斯溫東界會魯社餘界哈那洼地土肥美貿易甚盛幅員千五百二十方里戶二十萬有九千五百二十七口獨部落俗奉波羅特土頓教舊屬耶馬尼近亦設突支以自主突支駐劄烏爾分母特爾前時突支政事不平部眾離叛嗣更立突支與部眾更始

耶馬尼分國十六

二部同處

斯厥先麥循那痕循四面俱界普魯社與斯厥先麥魯那爾司達同屬一區先屬耶瑪尼近亦設突支以自主幅員四

百三十二方里戶五萬三千九百三十七口獨部落俗奉波羅特士頓教

耶瑪尼分國十七二部同處

和興蘇蘭喜真人

四圍俱界
洼鼎麥

與和興蘇蘭色麻領人同

屬一區彈丸小地耳分爲二部先屬耶瑪尼近設勃林王以自主幅員百有八方里戶萬四千八百二十口獨

部落俗奉波羅特士頓教

和興蘇蘭色麻領人

南界麻領餘
俱界洼鼎麥

幅員三百八十六方

里戶三萬五千六百六十口獨部落俗奉波羅特士頓

清史稿 卷四十一
教皆屬耶馬尼近亦設勃林士自理政事

耶馬尼分國十八

利治丁斯鼎在塞循所屬之依支麻治大山內幅員五十二方里戶五千五百四十六口獨部落俗奉涉羅特士頓教先屬耶馬尼後設勃林士以自主其勃林士本歐塞特里國人家富爲歐羅巴洲之冠

耶馬尼分國十九

洼爾特東南俱界希西加斯爾西北俱界威色華里阿山野地也幅員四百五十九方里戶五萬一千八百十七口領小部落二俗奉

波羅特士頓教先屬耶瑪尼後亦設勃林士以自主

耶馬尼分國二十二部

同處

流斯額力司

東界塞循西界塞柄阿爾鼎麥
南界麻洼里阿北界普魯社

與流斯色

力司共有蕞爾之地在塞循邊界幅員百六十五方里

戶二萬二千二百五十五口獨部落俗奉波羅特士頓

教先屬耶馬尼後亦設祿以自主

流斯色力司

東界塞循西界塞柄阿爾鼎麥
南界麻洼里阿北界祖斯達

幅員四百

三十六方里戶五萬二千二百五口獨部落俗奉波羅

特士頓教先屬耶馬尼後亦設祿以自主

耶馬尼分國二十一

立比領底那

東界哈那洼
界立比利摩爾
西界威塞花里阿
那北界威塞花里阿

在哈那

洼之南平壤膏沃幅員二百一十二方里戶二萬三千

百十二口獨部落俗奉波羅特士頓教先屬耶馬尼後

設勃林士以自主

立比利摩爾

東界哈那洼
那西南俱界威塞花里阿
北界立比領底那

亦在哈那洼

之南地方多山樹木叢茂幅員四百三十四方里戶六

萬九千六十二口獨部落俗奉波羅特士頓教先屬耶

馬尼後亦設勃林士以自主

耶馬尼分國二十二

漢麥卽來粵貿易之勝波利國在耶馬尼之北別居一區至耶蘇千年時宋真宗三年耶馬尼王始得其地幅員百

二十八方里戶十二萬三千六百四十八口獨部落俗奉加特力教及背叛後卽自專國設立西匿士二十八人佐理政事其西匿士由部眾公舉家費十萬以上者

充之四十年前被佛蘭西侵擾大受殘害近已相安土

產糖商賈雲集

耶馬尼分國二十三

墨里門東界哈那達餘俱界哈爾鼎麥在威薩河口幅員五十四方里戶四萬八千四百三十二口有新舊部落舊部衢巷狹房舍樸新部極華盛俗奉加特力教前設官數人事恐專斷近日必須會議部眾亦得預議

耶馬尼分國二十四

佛郎弗南界希西施斯達餘俱界那肖瀕臨彌河北岸佛郎弗部落南岸沙治先部落有石橋以通行人幅員百有五方里戶四萬七千八百五十口獨部落俗奉加特力教安分尙文多藏書籍及精巧器物貿易甚盛歲交易二次

耶馬尼分國二十五

魯密四國俱界脈幾領麥幅員百十六方里戶四萬六百五十口

獨部落俗奉加特力教先屬耶瑪尼後設突支以自主貿易亦鉅四十年前被佛蘭西侵擾有墨魯渣拒敵不勝礮臺被毀嗣得威引那兵來援始得退敵

耶瑪尼國沿革

原無今補

職方外紀亞勒瑪尼在拂郎祭之東北南四十五度半北五十五度半西二十三東四十六度國王不世及乃其七大屬國之君所共推者或用本國之臣或用列國

之君須請命教皇立之國中設其學十九所其氣候冬月極冷善造煖室微火溫之遂極煖士人散處各國以爲兵極忠實可用至死不貳各國護衛宮城或從征他國親兵皆選此國人充之本國人僅參其半其工作極精巧制器匪夷所思能于戒指內納一自鳴鐘地多水澤冰堅後人多于冰上用一種木屐兩足撮之一足立冰上一足從後擊之乘滑勢一激數丈其行甚速手中尚不廢常業也又有法蘭哥地人最質直易信行旅過者輒置之客或不答則大喜延入具酒食或爲計糾急

未室者則妻之謂此人已經嘗試可信計也多有
造酒但沽與他方過客土人滴酒不入口惟飲水而已
卽他國載酒至亦不容入境其屬國名博厄美亞者地
生金掘井恒得金塊有重十餘斤者河底常有金如豆
粒有羅得林日亞國者最侈汰西土宮室多用帷幔障
壁其王有一延客堂四周皆列珊瑚瑯玕交錯備一屏
障又有一大銃製作極巧二刻之間可連發四十次

海銃亞咩里隔國卽耶馬尼國也在峽山正西由峽山西行約

一月可到土番爲順毛烏鬼性情淳良疆域極大分國

數十各有土王不相統屬總名亞咩里隔

卽志中所分十五國也

天氣炎熱與南洋諸國同中有山名沿尼路近年布

苟亞國移都于此舊都命世子監守由沿尼路西行十

餘日至彼古達里則爲英吉利所轄其餘各國亦多爲

荷蘭呂宋佛郎機所侵據至此者足多生蟲蠭須常洗

頭始已土產五穀鑽石金銅蔗白糖

皇清四裔考乾隆十八年欽天監正劉松齡者熱爾瑪

尼亞人其國在博爾都噶爾亞東北五千里其國王不

世及或用本國臣或用列國君請命敎王立之

卽所謂
莫大里

亞之教皇也各國王卽位必得其札付乃立

其土人散處各國爲兵極忠實

各國護衛宮城皆選此國人充之

所謂耶瑪尼紅面兵也

工作

精巧所屬有法蘭哥地人質直易信多葡萄善造酒常沾往他處又有屬國名博厄美亞者地生金掘升恆得金塊有得羅林曰亞者最侈沃其王一延客堂四周皆列珊瑚儼如屏障由博爾都噶爾亞東北行踰伊西巴尼亞法蘭得斯拂朗祭乃至其地云

每月統紀傳曰阿里曼國在歐羅巴列國之中間比法蘭西國更廣大而蕃庶但國主不一猶中國昔時之列

國諸王公侯伯等各駐本都分治其邦推廣文藝遍設學院公學院內所傳之學理有五六科學校各有本校師學政教授一者訓示正教學習上帝聖書著耶穌之本源如何由何國而生如何區處際遇令學士專心尋釋此神善之學先七八年間讀書于府學院嗣後住公學院三年畢則進考試若考得首則爲教師二者例律學亦滿三年而考考中爲各落俗雜職正印升至總職三者醫學如未經住院三年未經考試者終不許爲醫師四者學習國政凡農事金厥水利江防橋船軍器百

工，以及諸國財用，進考既中，各依本分就祿。或寧田畝，百姓或百計經營，無所不隸。五者雜學，凡古所傳天文地理算術、草木禽獸魚蟲之學、金石之論、萬物性情之學，考中者爲府學教授。至于諸國之史，是凡學士所必知。欲進公學堂，先必知二三異國音語。凡漢人能通繙譯者，皆得入其內。在阿理曼國大公學院之內，有學生一千，學正三四十人，皆受祿，無異官員。令各述學問，著書撰文，各公學院有靈臺、天體儀、赤道儀、地平經儀、像限儀、地平經緯儀、璣衡撫辰儀、圭表等天文儀，別有醫

學院院內各科之藝

萬國全圖集日耳曼列國諸侯並興自專權勢與中國周之諸侯不異但有大事則國王特命大臣赴公會中與列國會議國中語言不異所著之書亦同其教門有二卽天主與異端民性好學務藝術并中國之書皆讀悉今將各國列敘其情形焉

一曰東部有山嶺多出水銀硃砂鐵其草場廣大牧馬五萬七千牛二十七萬五千頭羊三十四萬五千頭國中有多惱大河其都城曰味隱居民三十萬丁巧造布

帛國王宮殿最壯而躬親節用與居民如父子往來和溫待人百姓固執天主教最恨妖怪風水之說而好飲食音樂女皆風流秀麗但不守節其城居民三萬六千丁其書院內藏書七萬本其近城有一聖處爲國人燒香拜像之所厚奉金銀器物惟僧所誘惑一曰地羅里遍地山嶺居民樸實好獵佛蘭西侵其國時居民奮擊退敵因山地磽瘦往往出遊外方一曰以利亞其南方及亞得亞海隅多山洞谷省會曰來巴居民四萬餘造磁織紗其海口曰得利益每年所進船八千其銀館

本錢甚鉅國家准其居民盡力務事不奪其時又不塞通商之路故生意甚盛一曰波希米國其形如金四界山嶺其中廣谷產五穀畜牲鐵銅麻巧造玻璃器運賣外國不勝其數會城曰巴壹居民十萬語言與俄羅斯相似其學院中士子八百八十三人務文藝一曰默隣在波蘭東地僻小出麻及呢布其阿里木號爲堅城一曰拜烏部乃南方之地東連東國廣袤方圓九萬方里居民四百萬丁惟古俗是崇拘泥不通現其國君建書院納士接賢以開茅塞屢與佛蘭西國結盟起兵以

攻日耳曼國之主此時舊怨已忘國家七千人戶中聽
民推一才智之人赴京會同辦事產物不多民造美皮
清玻璃等貨國都曰門古城街市秀麗與各國通市居
民勤力巧藝故名揚四海其時辰表初造於此城者其
名曰尼林山又有城名曰雨山又曰潔堡今雖漸衰尙
多織布造器之匠

一曰威丁山西連拜國其居民百六十萬丁四面山嶺
多出葡萄酒與各佳果其百姓大半奉事上帝崇拜耶
蘇其見識文學爲他國所景仰其國王駐在突甲都○

威丁之西乃巴丁大侯邦出荳麻葡萄酒山水清美廣
袤方圓萬八千方里居民百二十萬丁國餉二百萬貢
都城曰甲利安

一曰撒孫南連拜東等國北界出各項金銀錫雖五百
年開其銀廠未窮盡也古時日耳曼國之寶盡出是山
山內民人之糧夏時掘礦爲生冬時巡遊作樂北方居
民禮貌和悅樸實不欺羊毳最細可作呢布別造磁器
過于中國其都城曰德停王殿及天主堂與收古蹟之
莊皆美過他國在來賣邑每年二次設市各商雲集尤

多諸術書冊古本新本萬萬難數每年貿易貨物價銀三百萬兩撒國西界有多列侯地方昔撒君臨死之際將其基業分與子等故多褊小之域一曰威密大侯居民聰明地居納賢以都城爲眾士之集處二曰撒可堡地方更廣內有牧場出金之山地君之子乃英國女王之夫也三曰撒黑堡屋居民三萬二千人雖少而有大臣典軍如大國無異四曰黑堡乃最小地五曰撒買寧山鹽甚多撒孫國之東北尚有三侯地曰安合又分三分地雖不多而城邑曼衍其小都中美園叢林山水幽

雅遊觀者不能去北界還有墨林堡兩侯之地平坦出五畜墨南屬保林帥侯地方圓千里居民二十六萬丁國餉每年銀二十萬兩又保布遠離者係立北兩侯居民十萬丁互得侯居民六萬丁又大素林兩侯居民六萬丁由此侯者破魯斯國王室出也又策士兩侯居民九萬三千丁其最少者乃光石侯居民二萬丁此列侯無權勢卻與列大國聯姻互相眷齒其親叔爲西國大王亦與之平等往來按日耳曼國例各侯務各出兵與國王合會防邊遇有國敵犯境則合力拒逐但列

邦不守合和之議常有爭端故嘉慶年間爲佛蘭西國所服歷六年之後於嘉慶十六年各部募兵四萬抗拒而佛軍始散

一曰漢那耳部在撒丁之西平坦袤延方圓四萬方里居民百三十七萬丁地大半多沙近水始有腴田牧場東方山嶺出銀銅鐵白鉛每年價銀六十萬兩不出五穀而多出蜜國君於康熙五十二年被英國民人奉召卽位昔與英國唇齒但道光十七年再立新君屢有爭端其都與國號同名可亡延乃大文學院藝術之士於

是與烏漢那耳西南係墨西列侯地一曰墨西加西耳
袤延方圓萬三千方里居民七十萬丁所起官兵萬八
千名山出銀鐵銅一曰黑西但邑方圓二千三百里居
民七十六萬丁出葡萄酒麻烟等內地城邑最大堅固
者乃馬因礮臺周繞每拒退三萬之敵又那埽侯地爲
列君所分者昔曾乘機驅逐荷蘭所駐強兵可謂忠勇
出葡萄酒等項果實不勝其數其居民多富又阿丁
塗地在濱海地瘠然海口通商故地僅三百四十八里
而有居民二十五萬五千每年收銀餉二十萬兩○在

日耳曼國內尚有自主之城邑不服國王各自通商設官以掌其政一曰漢堡在易北河口係各國之易市眾商雲集其船隻亦赴中國經商於道光二十二年其城大半焚燬居民十二萬丁所進出貨價銀四千二百九十有餘兩一曰北憫城居民四萬二千丁在威悉河濱其船亦赴廣東通商一曰利北邑居民二萬四千丁雖古城然生意微小一曰佛卽渡乃最古城形在河邊爲各侯之公使會集內有列國駐防之軍每年開大市四

方輜輶

其地江河最長者來因河由南至北在日耳曼國之西出荷蘭國入海如漢人之黃河也河濱活壤產葡萄有名沿河多古蹟奇峰游客皆圖畫之又多懶江在國中橫流如帶其北方則易北等河也國中居民因分服列君風俗殊異北方居民精神強健最好學南方東方之民好繁飲食西南之民勞苦度生其民往來不睦常有

爭事

海國圖志卷四十五

邵陽魏源重輯

耶馬尼不

地球圖說 亞利曼諸小國亦習中國文字善文武諸巧
藝工吹彈唱其英吉利女王之夫亦是國人也昔本大
國今已分列阿士氏拉與波路西亞二國外此又分裂
許多小國又別有四城悉皆自主但有大事則分議協
辦勿得自專地勢北方低陷中央與南方皆山土產五
穀葡萄酒丹參煤炭銀銅錫磁器玻璃羊毛布鐘表

地里備考曰亞里曼國又名曰爾馬尼亞在歐羅巴州之中其國土自北極出地四十五度三分起至五十五度止經線自東二度三十分起至十八度止東至不魯西亞奧斯的里波羅尼加拉哥維西連佛蘭西賀蘭北爾日加三國南接蘇益薩意大利二國暨地中海北界北海與州中海低那馬爾加國長約二千四百里寬約二千二百里地面積方約三十三萬六千里煙戶一京三兆九億口本國除北方各地或坦夷平陽或荒砂澤懸外其餘三方岡陵絡繹河之至長者九湖之至

大者十二地氣懸殊中央東方皆尙溫和西北嚴寒潮溼煙瘴南方則稍和暖峻嶺登眺舒暢宜人五穀百果花卉鳥獸甚蕃土產五金及各色寶石黑白鑿硝礦硝砂礮粉等至于國主或王公攝理或設官宰治變易一所奉教有三一羅馬天主公教一路得羅修教一加爾威諾修教國人奉羅馬天主公教者十分之七奉路得羅修教者五分之二奉加爾威諾修教者爲數無幾技藝精良商賈雲集緣本國昔多客民寄寓每遇戰鬪糾合相禦戰後仍分歸各部中間爲羅馬國征服唐德

宗貞元中又爲佛蘭西國所取梁太祖乾化元年亞里
曼國人始推立官拉多爲君自爲一國然君非世襲由
黎庶公立每有各部豪酋以勢力軍威自立爲君紛紛
滋亂明英宗正統三年爲奧地里加國所據始定世代
相傳迨嘉慶十一年佛蘭西國君那波良者旣攻入奧
大利亞國卽更易前制另立結盟章程再越八載當歐
羅巴州軍興旁午之際各國公使會集于維耶納地議
定亞里曼諸國各守疆界互相結盟由此分爲眾小國
三十六今則與奧地里加布魯西賀蘭大尼四國會同

結盟共爲四同盟國一切政事會議辦理每國各派公使一員齊集于佛郎哥佛爾的地方而奧地里加國之公使恆爲會議首領再亞里曼國之軍有二者之分別額設兵丁一則接應兵丁道光二年公同會議凡結盟之國各按人數多寡出兵若干以備守禦每百人出額兵一名每二百人出接應兵丁一名彼此聯絡互相保護軍分十二隊隊則多寡不同通共約有兵丁三十萬零三千四百餘名其統領之元帥乃各國會議推舉者也盡係陸營並無水師

其一巴威耶拉國長一千一百四十里寬八百四十里地面積方四萬零四百里煙戶四百零七萬口應出兵丁三萬五千六百名地居南方王位歷代傳男

其二瓦爾敦巴國長五百里寬三百六十里地面積方九千六百里煙戶一百五十二萬口應出兵丁一萬三千九百五十五名地居南方王位歷代傳男

其三亞諾威爾國長八百七十里寬五百四十里地面積方一萬九千一百六十里煙戶一百五十五萬口應出兵丁一萬三千零五十四名地居北方王位歷代傳男

男

其四薩克索尼國長五百里寬三百里地面積方九千三百八十里煙戶一百四十萬口應出兵丁一萬三千名地居中央王位歷代傳男

其五巴敦國長七百里寬三百四十里地面積方七千五百四十里煙戶一百一十三萬口應出兵丁一萬名地居南方公爵世襲

其六埃塞國長三百二十里寬二百里地面積方五千三百五十里煙戶七十萬口應出兵丁六千一百九十

五名地居中央公爵世襲男女皆得臨御惟以長幼爲序

其七加塞爾國長四百里寬二百五十里地面積方五千六百六十里煙戶五十九萬二千口應出兵丁五千六百七十九名地居中央公爵世襲未滿十八歲不得卽位或母后或至戚暫爲居攝俟其成立然後反版

其八威馬爾國土地版圖迫近鄰國或四面環繞或兩相間攝以致四散距隔彼此不相聯屬故不能定其長寬里數總計地面積方約有一千八百二十里煙戶二

十二萬三千日應出兵丁三千一百名地居中央公爵世襲

其九厄斯乖零國長四百里寬二百八十里地面積方六千四百六十里煙戶四十三萬一千口應出兵丁三千五百八十名地居北方公爵世襲

其十厄斯德勒利地斯國長一百八十里寬一百里地面積方九百九十里煙戶七萬七千口應出兵丁七百十七名地居北方公爵世襲

其十一美塞內英國約數十里爵如伯戶二萬一千公

會應出兵二百都城曰烘不爾厄

其十二那搖國長二百二十里寬一百五十里地面積
方二千七百九十里煙戶三十三萬七千口應出兵丁
三千名地居中央公爵世襲

其十三布倫瑞克國地不相連或在布魯西亞國之內
或在亞諾威爾國之內總計地面積方約有一千九百
六十里煙戶二十四萬三千口應出兵丁二千名地居
北方公爵世襲

其十四薩克撒各布爾厄額達國地不連屬錯落別國

疆域之中總計地面積方約有二千二百里煙戶十四萬五千口應出兵丁一千三百九十四名地居中央公爵世襲

其十五薩克撒梅寧認國長五百里寬一百二十里地面積方一千二百里煙戶十三萬口應出兵丁一千二百六十八名地居中央公爵世襲

其十六亞爾敦布爾厄國乃合三處共一國總計地面積方約六百九十里煙戶十萬零七千口應出兵丁一千零二十六名地居中央公爵世襲

其十七德搖國地不相聯錯落別國疆域之中總計地面積方約有四百六十里煙戶五萬六千口應出兵丁五百二十九名地居北方公爵世襲

其十八伯爾尼布國土地版圖錯落布魯西亞國疆域之中分上下二處總計地面積方約有四百三十里煙戶三萬八千口應出兵丁三百七十名地居北方公爵世襲

其十九喀敦國地不相聯分爲四幅二在黑里巴河之左二在黑里巴河之右總計地面積方約有四百里煙

戶三萬四千口應出兵丁三百二十四名地居北方公

爵世襲

其二十咯勒斯國長七十里寬五十里地面積方一百
九十里煙戶二萬五千口應出兵丁二百名地居中央

侯爵世襲

其二十一意士給利斯國原與羅奔斯的音同爲一國
道光五年分而爲二本國地面積方約有二百七十里
煙戶三萬口應出兵丁二百八十名地居中央侯爵世

襲

其二十二羅奔斯的音國，自分域之後，地面積方約有三百二十里，煙戶二萬七千五百口，應出兵丁二百六十名，地居中央，侯爵世襲。

其二十三厄盧德耳斯達國，長九十里，寬七十里，地面積方五百七十里，煙戶五萬七千口，應出兵丁五百三十九名，地居中央，侯爵世襲。

其二十四厄孫德耳沙森國，長一百二十里，寬六十里，地面積方四百九十里，煙戶四萬八千口，應出兵丁四百五十一，名侯爵世襲。

其二十五德的摩爾國長一百二十里寬一百里地面
積方五百七十里煙戶七萬六千口應出兵丁六百九
十一名地居北方侯爵世襲

其二十六饒問布爾厄國長八十里寬三十里地面積
方二百七十里煙戶二萬六千口應出兵丁二百四十
名地居北方侯爵世襲

其二十七瓦爾德各國長百二十里寬八十里地面積
方六百里煙戶五萬四千口應出兵丁五百十八名地
居中央侯爵世襲

其二十八昔麻認國長一百二十里寬七十里地面積方五百五十里煙戶三萬八千口應出兵丁三百五十六名地居南方侯爵世襲

其二十九挨深認國長八十里寬三十里地面積方一百五十里煙戶一萬五千口應出兵丁一百四十五名地居南方侯爵世襲

其三十列支敦士敦國長六十里寬三十里地面積方一百八十里煙戶六千口應出兵丁五十五名地居南方侯爵世襲

其三十一挨塞烘布爾厄國分爲二區，一名烘不爾厄。

一名美塞內英，不相聯絡，總計地面積方約有一百八

十里，煙戶二萬一千口，應出兵丁二百名，地居中央，伯

爵世襲。

按美塞內英重見存參

其三十二弗郎克佛爾的國地不相聯絡，總計地面積方約有一百四十里，煙戶五萬四千口，應出兵丁四百七十五名，地居中央，不設君位，民間自推官長八十五員。

理事。

其三十三布來每國四方境土皆爲亞諾威爾國環繞。

地面積方約一百里煙戶五萬口應出兵丁四百八十五名地居北方不設君位黎庶自立官長治事

其三十四昂布爾厄國地不相聯總計地面積方約有一百七十里煙戶十四萬八千口應出兵丁三百九十八名地居北方不設君位民間自立官長理事

其三十五盧卑各國地不相聯總計地面積方約有一百五十里煙戶四萬六千口應出兵丁四百零六名地居北方不設君位庶民自立官長治事

其三十六尼發深國四方境土皆在科爾敦布爾厄環

繞總計地面積方約有十二里煙戶二千八百五十九
口應出兵丁二十八名地居北方不設君位庶民自立
官長以治事

各國內通商衝繁之地海邊大馬頭四處內地大革九
處

外國史略曰日耳曼蠻族也其疆爲東國波路斯兩國
據其大半然尙有小國屬日耳曼者風俗話音均同其
俗身體高大髮黃眼藍耐冷不耐熱畏渴好戰善牧牲
畜喜射獵不農不工付之奴婢女習勞苦男反安坐熊

皮飲酒賭博產業蕩盡則自賣爲奴勇者爲頭目然國有危難不避死亡婦女亦勇於赴敵男女恥苟合將戰則公擇首領歡呼賀之戰息復舊不相統屬以日月山嶺爲神而崇敬之戰必先禱以詛敵漢武帝元光年侵羅馬爲羅馬所敗漢哀帝時羅馬築城于來尼河以逼侵日耳曼日耳曼或降或亡其後復糾合種類力攻羅馬國幾及四百年是時中國交界之匈奴等游牧于其郊盡驅日耳曼種類遷於他國散處佛蘭西英吉利西班牙亞非利加各海邊宋元徽間羅馬都督日耳曼之

民萃焉蓋歐羅巴之民半係日耳曼之族在本國者無
幾尙守古教而猛性常存散處佛蘭西者已進天主新
教唐元和八年日耳曼之裔復在佛國潛起募兵自成
一國沒後諸子各分其地而路得威號第一王於唐武
宗會昌年間創立國基始有日耳曼之號羅馬國廢日
耳曼之君仍其名號雖各部皆有本酋五爵操權而國
王能得民心自強政治以彈壓其下但與羅馬教皇積
鬱因募兵前往意大利國又欲據猶太國救世主所葬
之墓自領大軍與回族死戰壯民多亡其教主遂乘勢

弄權南宋咸淳七年有賢君出立新例令百姓遷善雖向爲盜竊者俱許爲良民否則殺無赦明永樂年間國君復集會各教主辨論名聞海外後國分爲十部各部皆有君爵正德十四年是班亞君卽位使使來脣從天主新教禁止耶蘇本教日耳曼百姓不從萬歷四十五年老教新教之民互相攻伐三十年不息兵火之餘遍地荒蕪而瑞丁佛蘭西是班亞三國又來侵伐日耳曼君乃盟國人於郊外令兩教之人任意拜上帝救主耶穌外求成于三國時順治四年也後日國又度與佛蘭

西土耳其兩國肇畔其東國之君本日耳曼舊所兼攝
其君歿後無嗣各國相爭以分其地其國王女內招百
姓爲國家出力外與意大利國和親遂獲勝國乃定當
佛蘭西國大變日耳曼民欲匡救其災卒爲所敗嘉慶
十年日耳曼國奉事佛蘭西佛君盡變其國政又創立
他姓以主其國嘉慶十七年國人逐之各部相結自爲
一國隨時會商國事遂爲海外不侵不叛之邦○日耳
曼地內有東國並波路斯所屬之地方圓萬一千四百
三十八方里居民四千萬國內有王四位大侯八位侯

九位小酋十一位別有城四座事皆自主各邦如之計
三十八處與中國之土司無異二十五年之內居民增
至千萬丁其國南連意大利瑞丁等國北及州中海大
尼國巴得海隅東及俄羅斯東國西連佛蘭西南方有
高山北地悉平坦其最長之河曰來尼河由瑞士國流
出北向最爲廣大由日耳曼國過荷蘭人北海多惱河
由西流東向阿得河在波路斯國伏流地中入巴得海
隅益北江西流入北海其北方最高之峰三百五十丈
南方之山高千二百丈天氣冷多松中夾天氣溫熱多

稼多羊西方產葡萄最美北方產牛馬新開運河甚長其水道高於海百二十八丈費銀四百八十六萬圓北方居民聰明有膽略英國原民悉由此去其語言爲西洋之官話若荷蘭瑞丁大尼並英吉利之話皆如之凡各國所未見之書惟日耳曼人能讀之百姓共三分一曰上下五爵一曰良民一曰農夫上爵之中有公侯受地者也居民崇耶蘇本教者千六百萬其餘崇天主新教者二十五萬皆猶太人也在南方有邑一千零八所北方之邑千三百一十一所○除東國波路斯國各據

之地所有日耳曼列盟會各國共計方圓四千五百里居民千六百五十六萬八千農務興焉出五穀善牧畜羊之多甲於他國馬牛豕次之林廣而密多木料運出者由撒孫山來有銀礦每年價約八十九萬六千圓金礦每年約四萬二千七十觔銀二百二十九萬六千圓亦出銅白鉛鐵錫日耳曼國多儒敬教勸學爲西方之最今將列國地方列于左

一拜馬列國於陳朝文帝年間進天主教後地益廣與佛國合南宋淳熙間始立君爲其國始祖累世執天主

新教與東國結盟且欲滅老教近日與佛蘭西約利以
擊東國背前好焉由是爲日耳曼列國之害佛蘭西那
破里穩王時封拜焉之君爲王益以地自嘉慶九年後
拜焉遂爲日耳曼內大國執天主新教然其君愛民勤
政有名海外計公帑銀千六百二萬一千三百圓公費
千五百三十七萬五千三百圓存庫者八十二萬六千
圓國之欠項七千四百七十七萬圓其地廣袤千三百
九十八里居民四百四十一萬近河之地多豐近山之
地多饒多惱河亘其間買尼江濱葡萄所產也多野獸

產卑酒外國人好飲之產五穀麻煙作各項玩器而不能造布匹絲綢國分八郡二百三十一邑都城曰闕金宮殿炫耀亦設肄業院各士雲集尼林山係古城居民四萬六千九百口大半執正教奧布古邑居民三萬威得布居民二萬六千已埽居民一萬林布居民二萬二千班山居民二萬弗地居民萬五千多猶太人各處設大學院三間中院七間小院十八間公學五千零五十間百姓頗聰明國事悉聽鄉紳會議君惟拱手而已國中二十歲者多爲兵計三萬五千丁

一威丁山列國在拜焉之西亦古地也其君悉本諸侯不以國務爲重故兵疊侵之嘉慶九年其君與佛君波

那穩王盟封爲王實爲佛國附庸然頗藉佛蘭西權勢

鄉紳會議聽其號令其山最高之峰二百二十丈產銅

鐵微有銀林多松名木料皆浮來尼河以至荷蘭國耕

地在多惱河下五穀不甚豐人稠地狹田園不足於耕

是以民多就食於外其地廣袤二百六十二里居民百

六十八萬每年入公帑銀千六百零五萬圓出千六百

三萬四千圓存留萬五千五百圓國之欠項千二百六

十六萬四千圓邑百三十二座居民百八萬七千名崇
天主老教民樸實勤勞卽移居他處亦善積財百姓運
出木料五穀牲畜煙油絲布麻布價值八百萬圓由產
之價約一萬萬圓牲畜千五百萬隻學館多在大學院
有從外國來學者其國都曰哭押居民三萬八千烏林
居民萬四千六百律嶺居民萬一千五百國有六大臣
俱不得自專惟聽五爵鄉紳定議每三年一次集會以
商國事

一撒孫列國在日耳曼中央齊朝年間其國日強屢降

他國常駕小舟馳至英國。璩其民海外畏之。唐時佛蘭西大甲利王募兵伐之。大勝。强令奉天主教。百姓與佛國人習久。聲音俱同。始知農務。遂闢荒地。建鄉邑。土田豐盛。其君遂于日耳曼之間創國。居民頗聰明。明成化十七年。有賢士曰路得。幼習耶穌教。貧乏不能自存。及冠。得聖書。遂棄俗入道。伏處三年。虔禱耶穌。後才思日進。以其道爲教師。遂赴羅馬國。與教皇議論。旋國後。遂宣言教皇之謬。切勸各國去教皇異端。值新君踐位。召路得詢其教本末。路得遂將聖書繙譯。日耳曼語。令民

讀之乃興崇正道於是路得之名揚海外羅馬教皇之徒憾之日耳曼各國之中以撒孫國君爲正教之首第國分則勢微康熙間撒孫君仍崇天主新教受王爵國於波蘭地自此兩國結讞與瑞丁等國戰多年撒孫遂受佛蘭西君波那裏穩王之封使募各屬國兵與波蘭合迨波那裏穩王敗後撒孫國遂將其地讓給波路斯國國地日蹙廣袤僅二百七十二里居民百七十二萬國帑每年收五百萬圓費用銀四百九十七萬圓缺銀九萬八千五百圓國之欠項銀一千一百一十七萬圓南

方多山益比河出焉廣約百丈地雖不甚豐其民能竭力故物產亦盛田萬一千頃松林八千頃葡萄八十頃羊毛極細所製造者每年約二百萬圓河內產珍珠礦價每年約銀百五十萬圓所造之洋青價約三十萬圓多運至中國黃銅約六千石黃銅線約二千石馬口鐵湯匙每年約三百六十萬件造各項磁器者六萬人不載器之妙甲于海外織匠二千五百名織大彩緞麻布每年約值三百萬圓大呢甚細出花布大小學院不勝數女多美色男帶歡客皆樸實端正國分四部其都城曰

得信居民八萬口其大埠在益比河又立悉邑居民五
萬口學士千二百名四方商旅雲集金匿邑居民二萬
二千工製造非山邑諸民萬三千口多事礦務○王操
大權有要務則五爵士民會議而後行軍士一萬三千
七百丁

一漢那爾列國北及北海西連荷蘭東南界陂路斯國
民性勇與日耳曼多肇鬱康熙四十八年屢與佛蘭西
國交戰後爲佛君所據未幾還其地部落四散無統屬
道光十七年英國王之亞弟君其國兩國分矣此地廣

袤六百九十四里居民男八十五萬女八十六萬國帑所入每年約六百五十六萬圓所出五百五十八萬圓國之欠項千七百三十一萬八千圓存庫項九十八萬圓其地大半沙漠獨河邊豐田西方有山出礦銀銅白鉛等每年價不上二十萬圓民務農通商頗聰明設學院崇耶蘇本教其都城居民二萬九千額丁音居民萬三千內多文士呂尼部居民萬一千軍士萬九千

歐羅巴各國惟日耳曼國四分五裂各自稱王立國亦有未受王號而專制一方者隨在有之威丁山之西與

佛蘭西交界之巴丁部廣袤方圓二百七十六里居民百二十九萬歲入帑銀四百五十九萬二千圓所出銀四百五十三萬八千圓庫內存留銀五萬四千圓地瀕來尼河山水大佳夏月異國來遊覽者車馬不絕產葡萄栗杏桃等居民造自鳴鐘每年十萬件造金銀玩物甲于海外其都曰甲利安城居民二萬三千五百曼林城居民二萬害得山城居民萬三千五百設肄業院耶蘇正教之士爭赴之○黑信國在日耳曼中廣袤方圓百八十二里居民七十四萬七千四百口其地分四部

歲入帑三百六萬五百圓出帑三百二十五萬八千二百圓缺十八萬七千七百圓國之欠項百二十六萬圓其都城曰加悉○黑信所屬侯地廣袤方圓百五十三里居民八十一萬九千六百口入公帑銀三百九十九萬圓所出如之國之欠項二百十一萬圓地分十一郡擔城居民二萬九千口國都在焉貲匿城最堅固居民四萬五千口○阿丁布部在日耳曼之西與荷蘭交界廣袤百一十四里居民二十七萬三千地大半沙漠鮮物產每年入公帑銀八十五萬圓所用如之○鹿信布部

本荷蘭地廣袤八十九里居民三十八萬九千地豐盛
○默林布治林部在巴得海隅廣袤二百八十八里居
民四十九萬口每年入國帑銀百三十五萬圓所出如
之國之欠項五百五十萬圓其地多沙漠產五穀通貿
易○默林布土地勒部廣袤方圓四十九里居民八十
九萬六千口每年入公帑銀三十八萬八千五百圓所
費如之此沙漠之地土產微○撒孫園馬部在日耳曼
中間廣袤六十七里居民二十五萬國帑銀五十五萬
五千圓所出之費六十萬圓缺四萬五千圓公欠項三

百四十萬六千圓居民最聰明其土君好學能納賢敬士。右所言皆大侯之地另有小酋地列于左合石老布部廣袤方圓百八十六里居民四十九萬七千口。每年入公帑百三十七萬圓所出如之。那撫部廣袤八十七里居民三十九萬七千口每年入公帑銀一百零三萬四千圓所出如之國之欠項百七十萬圓此最美之土產嘉果及各美物。報寧衰地廣袤方圓六十九里居民二十五萬六千口入公帑百四十三萬八千圓國之欠項六百九十三萬九千圓上上邑也出礦民様

實。撒孫買寧地四十三里居民十五萬口。撒孫哥布地三十四里居民十四萬撒孫亞丁布地二十四里居民十二萬此二地在日耳曼中居民繁多勤勞營生執正教。安哈第端地十五里居民六萬二千。安哈賓布地十四里居民四萬七千。安哈哥丁地十二里居民四萬。又有五爵之地瓦得地二十二里立比地二十二里悉馬林地十七里路突城地十六里孫得好地十五里來西地十五里少布地七里古來西地六里○希西地五里黑幸地四里。光石地三里皆微小不

足比數。另有通商各城邑能自操權不服王化者如
舍布城在日耳曼西北距益比河不遠列市通商爲日
耳曼莫大之交易日漸興旺其居民善積財帛與各地
貿易一年所進船約三千隻三年前其邑災燬閣宮室
皆火今復建比前更美所屬地七里居民十五萬每年
入公帑銀二百四十七萬圓所出者二百五十八萬圓
欠公項銀千二百萬圓。北閔城在威悉河亦通商亦
到中國貿易居民六萬五千每年入公帑銀六十萬八
千圓出五十九萬七千圓存銀萬一千圓欠項銀二百

三萬圓。呂必古城地生意甚微。居民五萬人。公帑銀二十九萬圓。出銀二十八萬圓。存銀萬九千三百圓。欠公項銀百二十四萬圓。凡弗亦大邑也。在買尼沿河爲最要之地。居民六萬五千。日耳曼各君調兵護守。亦派公使會統辦各國之事。以上日耳曼各地在海外。各國未有分裂如此之多者。國小而迫。各私其地。自日耳曼被鄰國所侵。國內諸侯多與敵爲奸。往往召外盜。久之各自爲主。且在各國界立關收餉。大礙通商。近日波路斯國因約其列君除內地之關。只在交界納餉。由

是通商始盛所用之絲花至二十五萬石線紗四十萬
石絲綵綢等貨所運入者四千四百石運出者八千九
百石所運出之麻布價三百八十九萬圓統計運入之
貨實過於運出餉亦綦重君民均獲益焉道光二十年
所進波路斯等國之船共六千隻所出者五千九百隻
此足以知日耳曼之通商廣大各國雖散處而各海島
頗懷聯絡各擇賢士以議各國之事若有戰陣各地募
兵合爲一軍以俟防禦共兵三十萬三千五百此內步
兵二十二萬八千餘騎兵四萬餘炮手二萬餘炮五百

七十六門各國境與佛蘭西相向之地築三堅城列國之軍士相爲護守

瀛環志略曰日耳曼界內江河最長者爲來因河自南而北轉西至噠國界入西海河濱土脉腴潤產蒲桃最良沿河多名山古蹟多惱河亦大水在界內橫流如帶北方則易北河其名水也北方之民多強健淳良好學術南方奢侈醉飽無遠圖西南一帶勤苦謀生力作不倦界內列侯皆大小國婚媾往來用敵體禮會盟雖眾蠻觸不免遇大敵而心力不齊難於制勝幸維也納款

盟之後佛郎西止戈保境未發難端或亦恐眾怒之難犯也